

趙城縣廣勝寺



四未曾有經

若

晉月氏國三處空譯

如是我聞一時佛住王舍城耆闍崛山與大比丘眾千二百五十人俱尔時尊者阿難晨朝著衣持鉢入王舍城正念乞食見有一處新作大舍重閣高顯戶牖雕飾牆壁嚴整無有風塵障障寒暑尊者阿難見已即作是念若有善男子善女人作如是嚴麗之舍布施四方僧若如來般涅槃後復有善男子善女人以芥子舍利起塔大如菴摩勒果其剎如針上施膠蓋如酸棗葉若作像乃至如麩麥是二功德何者為多

尔時尊者阿難乞食訖還本處飯食竟舉衣鉢洗足已往詣佛所一心恭敬頭面作礼於一面坐已白佛言世尊我於彼處晨朝著衣持鉢入王舍城乞食見有一處新作大舍重閣高顯戶牖雕飾牆壁嚴整無有風塵障障寒暑便作是念若有善男子善女人能作如是妙麗之舍布施四方眾

果實有經 第二張 若字号

僧若佛般涅槃後復有善男子善女人以芥子舍利起塔大如菴摩勒果其剎如針上施膠蓋如酸棗葉若作佛像乃至如麩麥是二功德何者為多尔時世尊告阿難言善哉善哉阿難汝為多人故為安樂眾生故為哀愍世間故為大衆故為多饒益天人故乃以是義問於如來阿難諦聽善思念之闍浮提地廣七千由延北闍南狹其中人面似如車形如是地上滿中甘蔗竹筴稻麻菓林無空缺處猶如一體阿難是諸草木皆悉為人得四道果辟支佛若有一人蓋壽供養衣鉢飲食牀座醫藥房舍所須具足供給至滅度後一一起塔各起塔已供養恭敬香花伎樂燒香燒塗末香幢幡寶蓋如是具足於汝意云何於此功德寧為多不阿難白佛言甚多世尊甚多善逝是善男子善女人得大功德

佛告阿難置是闍浮提復有瞿耶尼廣八千由延人面如半月於彼中人亦復如是作大功德

四未曾有經 第五張 卷字號

復次阿難置是瞿耶尼復有弗于達廣九千由延人面圓滿於彼中人志亦如是作大功德

復次阿難置是弗于達復有薛單越廣方由延人面正方於彼中人志亦如是作大功德佛告阿難釋提桓因大莊嚴殿雕文刻鏤微妙奇特有八萬四千寶柱以天清琉璃間廁黃金以為羅網弥覆其上金沙布地奇妙栴檀以為欄楯

復次阿難是天帝釋大莊嚴殿復有八萬四千寶窓亦以天清琉璃間廁黃金以為羅網弥覆其上布以金沙栴檀欄楯

復次阿難是天帝釋大莊嚴殿復有八萬四千天井寶窓微妙嚴麗校飾如上

復次阿難是天帝釋大莊嚴殿復有八萬四千樓櫓館閣四出圍繞眾寶校飾亦復如上

佛告阿難若有善男子善女人作是天帝釋大莊嚴殿施四方眾僧於汝意云何是善男子善女人以此因緣

四未曾有經 第五張 卷字號

得大功德不阿難白佛言甚多世尊甚多善逝此善男子善女人得大功德

佛告阿難置此四天下功德復置釋提桓因大莊嚴殿功德若有善男子善女人作百千億釋提桓因大莊嚴殿施四方僧

復有善男子善女人於佛般涅槃後以如芥子舍利起塔大如菴摩勒果其刹如針上施勝蓋如酸棗葉若佛形像乃至如麤麦此功德滿足百倍不及千倍百倍百千萬億億所不能及不可稱量阿難當知是如來无量功德戒分定分智慧分解脫分知見解脫分復次阿難如來無量功德有大神通神足變化及六波羅蜜如是等无量功德

今時佛告尊者阿難汝諦受持此法阿難白佛言受教世尊此名何法我等如來法中當云何受持

佛告阿難此名未曾有法是一切清淨妙法方便我已故殷勤屬汝此法當數數廣為諸天人阿修羅龍夜

四未曾有經 第五張 卷字號

又軋闍婆伽留羅緊那羅摩睺羅伽人非人等分別說之當作如來善根功德種子一切眾生聞者得入如來善根功德以是因緣故離諸煩惱悉皆成佛諸比丘聞已歡喜作禮

四未曾有經

四未曾有經

校勘記

一 底本，金藏廣勝寺本。此經與《中華大藏經》第十八冊所錄《佛說未曾有經》內容相同，僅經名、譯者有誤；與《四未曾有法經》是兩種內容不同的經，為《金藏》本之錯錄。今據《金藏》本照錄，供參考。